

Von Erster vnd fürnembster Ursa- sache der Pestilenz.

Caput I.

Als die erschreckliche/
abschewliche vnd schmerz-
liche/ geschwinde Giffe der
Pestilenz / durch vnser v-
berhäuffte Sünde vnd Laster verursa-
chet / eine erzwungene Straffe / von
Gott dem Allmächtigen / durch seinen
Angelum percussorem, vns Men-
schen eyngegiffet / vnnnd gleich einem
sewrichten Geschos / so da vom euf-
fern zum innern / vnd wieder vom in-
nern zum eussersten / biß zu gänßlicher
aufrottung der Sünde vnd Grewels/
wiewol vnsehbarer Weise / inprimi-
ret vnd eyngeführet wird / solches be-
zeuget nicht alleine die heilige Schrifte
an vielen Ortern / besondern auch ab-
ser

ler wahren Philosophorum vnd Me-
 dicorum Meynung/ sampt täglicher
 Erfahrung/ genugsam/ wie sie dann
 von Theophrasto ein Zorn Gottes/
 ein himlischer Schuß oder Streich
 genennet wird/welcher vom Obersten
 in sein destinatum geschlagen wird/
 wie der Strahl in Türmer vnd Bäu-
 me/ solches auch erhisset/ erkündet vñ
 brennend machet/ daß alles ober vñnd
 ober gehen mus/ wie dann dessen feu-
 richte operation, an dem geschwinden
 hinsterben der Patienten zuersehen/
 Vnd weñ also dieser meteorische schuß
 in sein centrum geschlagen/zerknistert
 vnd zerspaltet er die Kräfte des Leibes/
 wie ein Baum/suchet einen Ausgang
 hinnein vñnd aufwärts/ wie ein ver-
 dämpfftes Feuer/ mit allerley grewli-
 chen Symptomatibus, biß er endtlich
 seine minerata vmb vñnd von sich
 wirfft/ in seine loca destinata, wie ein
 Maulworff die Erde. Vnd wann er
 also den Menschen oberfelleet/ erschre-
 cken die eynwohnenden Glieder zum
 hefftigsten/ Der Fürst der Bestung/
 das

Das Herz erzittert vnnnd bebet/ dann es
mangelt Entsetzung/ die Leber wüetet/
nach ableschung der Nize/ das Gehirn
erstickt vnd vernebelt/ wegen ober sich
steigender giftigen Dünste vnd Rau-
chens/ vnnnd beklagen die andern Mit-
glieder alle/ ihre Noht vñ verlornē Be-
stung/ ja es werde alle sieben Sphären
der Planeten/ in ihrem curlo irrig vnd
verwirret gemacht/ vnd demnach ends-
lichen das humidū radicale alle auß-
gegangen vnnnd verbrunnen/ so fahren
alle Kräfte vnd Vermögen des Men-
schen gar dahin/ vnd folget diesem lez-
lich der gewisse Todt.

Nier siehe Mensch/ wie groß vnnnd
grüutig Gottes Zorn/ wann er erst ent-
brennet/ vñ durch das Fwrensen vnser
er Sünde gereizet vnd angeschlagen
wird/ dann daraus wird nichts dann
lauter Fwv/ Schwefel/ Pech/ Pestil-
lens/ Gifte/ Krieg/ Noht/ Todt/ alles
Vnglück vnd Straffe/ hie zeitlich vnd
dort ewiglich/ wann wir nicht bey ze-
iten in die Ruthe fallen/ vnd vmb gnä-
dige Abwendung bitten thun. Dann
damus

Da mus das Gestirn des Firmaments/
vnnnd alle elementa, ein andern bitten
vnd sawer ansehen / sich ecclipsiren,
exaltiren vnd vergiffen / vnnnd demes
nach solchen ihren Zorn vnnnd Giffe/
dem Menschen inniglichen imprimi-
ren, dardurch die conscients des
Menschen hefftig erschrecken / fürch-
tend / zagend vnnnd zitterend machen/
durch anwesende Cometen / fewrichte
Stralen / Wunder: vnd Zornzeichen
in der Luft/ Das Chaos der Elemen-
ten vnter dem Monde / mus durch
verwirrung der beyden grossen Liech-
ter oder Sternen/ als Aspecten vnnnd
Verfinsterungen / sich giftig imbui-
ren vnd diathesiren, Die flüchtigen/
argen / vergiffeten Dämpffe / müs-
sen herfür aus dem innersten Her-
zen der Erden / Alle alimenta müs-
sen inficiret, vergiffet vnnnd ver-
derbet werden / Ja es mus ihme der
Mensch selber/ das Vbel/ durch star-
cke imagination, Furcht / Schrecken/
Zorn/ gewaltig imprimiren, vnd also
des contagii fähig werde/ sein iñerstes
vnd

vnd eufferstes daran strecke / sampt allen Kräfte[n] vnd Vermögen. Dann da wird ihme das temperamentum depraviret, die Spiritus vnd Vires abgemärgelt / calor nativus enzündet / das humidum radice abgedorret / bis zu ganser erstarrung des Körpers / vnd vnter dessen mus er noch andere / so in seiner Gegenwart / mit seinem Athem / Gesicht / Kleidern / wider seinen Willen inficiren, vnd noch wol endlichen darüber der Ableibung / der betrübten Seelē / mit vnträglichen schmerzē erwarten / vñ also helfen dem erzürneten Gott / alle seine Creaturen eynmütiglich exequiren, vnd auff allen Seiten eynstürmen / bis zur Bekehrung / oder den endlichen gar aus / wie Davide dann / vns eine formulam gelassen / solches abzuwenden / vnd daß GOTT dem percussori auffzuhören gebiete.

Was die Pestilenz sey.

Caput I I.

Etymologia verbi pestis, ist hinc
vnd